

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2020/479****2021/EES/22/63****frá 1. apríl 2020****um breytingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og til niðurfellingar á reglugerð (EBE) nr. 2092/91 ⁽¹⁾, einkum d-lið 38. gr.,*og að teknu tilliti til eftirfarandi:*

- 1) Hægt er að setja vörur, sem eru innfluttar frá þriðja landi, á markað Sambandsins sem lífrænar ef þær falla undir skoðunartorð, útgefið af lögbærum yfirvöldum, eftirlitsyfirvöldum eða eftirlitsaðilum í viðurkenndu þriðja landi eða af viðurkenndu eftirlitsyfirvaldi eða eftirlitsaðila.
- 2) Til að tryggja fylgni við ákvæði 1. mgr. 33. gr. reglugerðar (EB) nr. 834/2007 og rekjanleika innfluttra vara í dreifingu, þ.m.t. flutningur frá þriðju löndum, er kveðið á um í reglugerð framkvæmdastjórnarinnar (EB) nr. 1235/2008 ⁽²⁾, eins og henni var breytt með framkvæmdarreglugerð (ESB) 2020/25 ⁽³⁾, að viðeigandi eftirlitsyfirvald eða eftirlitsaðili skuli gefa út skoðunartorð áður en sendingin fer frá þriðja landinu sem er útflutningsland eða upprunaland. Viðkomandi eftirlitsyfirvald eða eftirlitsaðili verður að undirrita yfirlýsinguna í reit 18 í vottorðinu eftir að hann hefur sannprófað skjöl á grundvelli allra tilskilinna skoðunarskjala, þar með talin m.a. flutningsskjöl.
- 3) Svo virðist sem að í einhverjum tilvikum séu tæmandi flutningsskjöl ekki tiltæk nógu snemma fyrir eftirlitsaðilann til að unnt sé að setja allar flutningsupplýsingarnar í skoðunartorðið áður en sendingin fer frá þriðja landinu. Af þessum sökum þykir rétt að tilgreina að viðeigandi eftirlitsyfirvald eða eftirlitsaðili verður að kanna upplýsingarnar í flutningsskjölunum og færa þær inn í skoðunartorðið í síðasta lagi 10 dögum eftir útgáfu vottorðsins og í öllum tilvikum áður en yfirvöld aðildarríkis árita vottorðið.
- 4) Því ætti að breyta reglugerð (EB) nr. 1235/2008 til samræmis við það.
- 5) Þar eð þessar breytingar eru nauðsynlegar til að beita 13. gr. reglugerðar (EB) nr. 1235/2008, eins og henni var breytt með framkvæmdarreglugerð (ESB) 2020/25, ætti þessi reglugerð að gilda afturvirkta frá þeim degi sem framkvæmdarreglugerð (ESB) 2020/25 kom til framkvæmda.
- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar um lífræna framleiðslu.

(*) Þessi ESB-gerð birtist í Stjtið. ESB L 102, 2.4.2020, bls. 4. Hennar var getið í ákvörðun sameiginlegu EES-nefndarinnar nr. 21/2021 frá 5. febrúar 2021 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtið. ESB L 189, 20.7.2007, bls. 1.

(2) Reglugerð framkvæmdastjórnarinnar (EB) nr. 1235/2008 frá 8. desember 2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 334, 12.12.2008, bls. 25).

(3) Framkvæmdarreglugerð framkvæmdastjórnarinnar (ESB) 2020/25 frá 13. janúar 2020 um breytingu og leiðréttingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (Stjtið. ESB L 8, 14.1.2020, bls. 18).

SAMÞYKKT REGLUGERÐ ÞESSA:

1. gr.

Breytingar á reglugerð (EB) nr. 1235/2008

Ákvæðum 13. gr. reglugerðar (EB) nr. 1235/2008 er breytt sem hér segir:

1) Eftirfarandi málslíð er bætt við í þriðju undirgrein 2. mgr.:

„Ef upplýsingar í tengslum við flutningsskjöl í reitum 16 og 17 og í viðeigandi línum í reit 13 eru ekki fyrir hendi í prentuðu afriti af skoðunarvottorði, sem er undirritað með handskrifaðri undirritun, eða ef slíkar upplýsingar eru öðruvísi en þær sem eru fyrirliggjandi í Traces-kerfinu skulu viðkomandi lögbær yfirvöld aðildarríkis og fyrsti viðtakandi einungis taka tillit til þeirra upplýsinga sem eru fyrirliggjandi í Traces-kerfinu í þeim tilgangi að staðfesta og árita skoðunarvottorðið.“

2) Í stað fyrstu undirgreinar 4. mgr. kemur eftirfarandi:

„Eftirlitsyfirvald eða eftirlitsaðili, sem gefur út skoðunarvottorð, skal einungis gefa skoðunarvottorðið út og undirrita yfirlýsinguna í reit 18 á vottorðinu eftir að hann hefur sannprófað skjöl á grundvelli allra tilskilinna skoðunarskjala, þ.m.t. einkum framleiðsluáætlunar fyrir viðkomandi vörur, viðskiptaskjala og, eins og við á samkvæmt eigin áhættumati, innt af hendi eftirlit með ástandi vörusendingarinnar. Upplýsingar í tengslum við flutningsskjöl í reit 13, einkum fjöldi pakkninga og eigin þyngd, og upplýsingar í reitum 16 og 17 í skoðunarvottorðinu, sem varða flutningatæki og flutningsskjöl, skulu færðar inn í skoðunarvottorðið í síðasta lagi 10 dögum eftir útgáfu vottorðsins og í öllum tilvikum áður en yfirvöld viðkomandi aðildarríkis árita vottorðið.“

2. gr.

Gildistaka og framkvæmd

Reglugerð þessi öðlast gildi daginn sem hún birtist í *Stjórnartíðindum Evrópusambandsins*.

Hún kemur til framkvæmda frá og með 3. febrúar 2020.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 1. apríl 2020.

Fyrir hönd framkvæmdastjórnarinnar,

Ursula VON DER LEYEN

forseti.